

Te Maroro ma Will ibukin Buokaia Taan Birinako Mai Abaia



Will bon kaain Pennsylvania, USA. Ti anganna tabeua titiraki ibukin te karikirake are e karaoia ibukin buokaia aomata.

TAMNEI NI KAMATAA IROUN DAVE WILLIAMS



Taekina rongorongom nakoira.

Ngkai, ai 11 au ririki ni maiu. I tatangira te butibooro ao lacrosse, umuna te kuukii, uaua, ski, ao te roller-skate. I kona naba ni katanga te biano ao te waeoriin. Au kara ae I tatangira bon te buruu roo, ao kanau ae I tatangira bon te bunnimoa (scrambled, baan, ao te kaburoburo—I bane n tatangiri ni kabane). Ngkana I ikawai, I tangiria n riki bwa te taokita n ai aron tamau.



E kanga n reke am iango bwa ko na ibuobuoki?

I ongo bwa e mwaiti utu man te aba teuana aika a birinako ibukin kamanoakia. Tabeman mai irouia a mwaing nakon te tabo ae uakaan ma ngaira. N te tai ae waekoa I iango, "N na kanga ni buokiia?"

I tataro bwa N na ata arou ni kona n ibuobuoki. I mwiina e roko ana reta tinau man te Bootaki n Aine n te titeiki. A butiia aomata bwa a na anganano n aia bwai nakon aia utu taan birinako mai abaia. I a ataia bwa e a tia ni kaekaaki au tataro!

Ko kanga n ibuobuoki?

I tatangira n umum (e onoti rabakau iaon te kuuki) ngaia are I baireia bwa I kabonakoi kuuki ibukin au karekemwane ibukin buokakia utu aikai. I karaoi katanoata ao I toka iaon au roller skates n ririaki nakoia kaain rarikiu n tibwatibwai. E irai naba au kamea, ae Coco.

A mwaiti kain rarikira aika a kukurei ni kabooi au kuuki. Ma te mwane are I karekea, I kabooi iai bwaata ao baan ao n anganano iai.



Tera aron am namakin?

I namakina te kukurei n ataakina are utu aikai a kona ni kabonganai bwaata ao baan aikai. I tii kona n iango kamweengaraoin kuukanakin te amwarake ngkana ko a roko n te aba ae boou.

I reiakina n te Moanrinan bwa "ngkana kam beku ibukiia raomi ao kam bon beku naba iroun Atuami" (Motiaea 2:17). I namakina ana tangira Tamara are i Karawa ibukiu ao ibukiia aomata ake a mwaing nakon au aono.



Tera am taeka n reirei nakon temanna are e tangiria n ibuobuoki?

Kakaai kawai ake ko kona ni ibuobouki iai n am uoote ke am titeiki. Ko kona naba n ibuobuoki ibukin taabo ni katantan ibukiia kain am aono. Iai anga ni ibuobuoki n tabo nako!

